

Visoki predstavnik još jednom naglašava odlučnost međunarodne zajednice da se očuva sjećanje na masakr u Srebrenici i da se izgradi budućnost ovog grada

Visoki predstavnik, Wolfgang Petritsch je danas posjetio Srebrenicu i Burnice, povratničko mjesto u općini Bratunac u kojem austrijska ne-vladina organizacija "Bauern helfen Bauern" (Gospodarstvenici pomažu gospodarstvenicima) pruža pomoć obnovi zajednice. Visoki predstavnik se sastao sa gradonačelnikom Srebrenice Šefketom Hafizovićem i zvaničnicima uključenim u aktivnosti oko povratka. Visoki predstavnik je naglasio da je povratak ključna aktivnost u procesu oporavka ovog područja koje je bilo svjedok najgorih ratnih zločina u BiH. "Bosna i Hercegovina ne može postojati bez ponovno uspostavljenе općine Srebrenica. Na mjestima gdje su se dešavale najgore stvari ljudi trebaju da daju sve od sebe," rekao je Visoki predstavnik.

Nakon dolaska u Srebrenicu, Visoki predstavnik je posjetio Memorijalni centar i mezarje u Potočarima. Visoki predstavnik je sa zadovoljstvom primjetio da je Udruženje Memorijalni centar Potočari, kojeg je on postavio prošle godine i čijem izvršnom odboru predsjedava, registrovano u skladu sa državnim zakonom o Fondacijama i Udruženjima BiH. Fondacija će imati registracijski broj 1 u skladu sa ovim zakonom koji je stupio na snagu u januaru ove godine. Registracija dozvoljava Udruženju da obavlja aktivnosti na čitavoj teritoriji BiH. Intenzivan angažman Visokog predstavnika je usko vezan sa njegovim čvrstim uvjerenjem da je ukop srebreničkih žrtava po odgovarajućim običajima i obredima, te dostojanstveno odavanje počasti njihovom spomenu, moralna obaveza. Kontinuirana želja Visokog predstavnika je da Memorijalni centar Potočari pomogne preživjelima i rođacima žrtava masakra iz 1995., da žive sa ovim užasnim događajem.

Procenat povratka u Srebrenicu je čitavo vrijeme bio neprihvatljivo spor, kao rezultat opstrukcionizma, zanemarivanja i neefikasnosti. Visoki predstavnik je i pored toga primjetio da se klima značajno poboljšala, te da posvećenost međunarodne zajednice ovom području nikada nije bila veća. Pokazatelj toga je iznos od \$ 5.2 miliona sakupljenih na UN/UNDP-ovoj donatorskoj konferenciji za Srebrenicu održanoj prije samo sedam dana u New Yorku.

Nakon obilaska centra grada sa gradonačelnikom Hafizovićem, Visoki predstavnik je istakao važnost međunarodnog akcijskoga plana za povratak izbjeglica i raseljenih lica u Srebrenicu i okolna područja, koji omogućava ponovnu izgradnju gospodarske i civilne infrastructure da bi se omogućio održiv povratak. Da bi se ostvarila podrška povratnicima, moraju se stvoriti radna mjesta. Moraju se uložiti svi napor da bi se ubrzala gospodarska obnova koja bi odgovarala stanovništvu čije su se potrebe i mogućnosti drastično promijenile. Žene su sada na čelu mnogih porodica u ovom području. Svaka mogućnost koja postoji za ove žene da izdržavaju sebe i svoje obitelji mora biti iskorištena na kreativan i pozitivan način.

Neophodno je stvoriti okružje koje je sigurno za potencijalne povratnike i u kojem će svi stanovnici grada vidjeti budućnost. Visoki predstavnik je pozvao političke vođe Srebrenice da ozbiljno razmisle o stalnom povratku u ovo područje kako bi predstavljali primjer u duhu dobrog vodstva i njihove posvećenosti budućnosti Srebrenice.